

《華嚴經普賢行願品》 補充講表

◎附表二十一：

○願常面見諸如來：究竟清淨普賢道，盡未來劫常修習。（糅合《普賢行願品親聞記》）
供養諸佛願，即初地菩薩第一願，願供勝田故。佛住世，佛為第一福田。佛不住世，僧為第一福田。初二句福田大，普賢菩薩發願，願親見活佛及諸菩薩，而供養之。第三句總，即供具大，大具多意。第四句，修供養心大。五六二句，正行大，供養諸佛是助行故。第七句，清淨二字是因大；究竟普賢道五字，是功德大。第八句，顯供之時大也。

○我於一切諸有中，所修福智恒無盡：我見恒演菩提行。（糅合《普賢行願品親聞記》）
利益願即初地菩薩第九願，又名三業不空願。以三業利益眾生，無空過也。初偈中，初三句不空因，第四句不空果，第二偈利益時處。「我於一切諸有中，所修福智恒無盡。」謂我普賢菩薩於三界九有之中，以所修福智利益眾生。菩薩教化眾生，即得福德；不被眾生所

轉，即是智慧。菩薩自得福智，云何而言利益眾生？蓋以福智從利益眾生得，故云菩薩得福智，即利益眾生也。：「恒演菩提行」，正是下化。佛有機則現身說法，無機則隱。普賢菩薩稱其無盡行願，故常恒說法也。

○普盡十方諸剎海，一一毛端三世海：我深智力普能入。（糅合《普賢行願品親聞記》）轉法輪願，即初地菩薩第三願，又名攝法上首願，攝取一切佛法轉授眾生，即攝法義。上首亦為影響眾生也。「普盡十方諸剎海」，轉法輪處。「一一毛端三世海」，轉法輪時。時不離處，處不離時，故亦可云「一一毛端諸剎海」。「佛海及與國土海」，即毛端中所有依正。「我遍修行經劫海」，經劫海轉法輪也。云「修行」者，圓融說之，轉法輪即是修行，理亦得通。中四句，明能轉圓滿音。「語清淨」者，顯如來語言無障礙故。

「三世一切諸如來，於彼無盡語言海。」三世謂轉法輪時，過去佛，過去轉法輪；現在佛，現在轉法輪；未來佛，未來轉法輪。又者，佛不被三際轉，故過去未來佛說法通三世，現

在佛亦然，皆於三世中說無盡之語言也。「恒轉理趣妙法輪」，正轉法輪也。趣者趣味，又趣向也。法性理體，有無窮趣味故；又者說法性理體法，令眾生趣向法性理體，故云妙法輪。「我深智力普能入」，能攝方便也。三世諸佛所說無盡語言，所轉之妙法輪，我普賢以有甚深智故，普皆能入，能入即能轉。

○我能深入於未來，盡一切劫為一念：為一念際我皆入。（糅合《普賢行願品親聞記》）文中多分約時，時融通故。時不離處，即時以顯淨佛國土。一念能入三世、一切劫者，念劫圓融也。入即是攝，入一切劫，即是攝一切劫，攝歸於一念。時圓融，即是清淨時；土圓融，即是清淨土。 以下糅合《大乘止觀述記》

※藏體平等。本無染淨之殊，豈有差別之相，此如來藏之所以為空也；復具有緣起十法界，不思議差別之性用，此如來藏之所以為不空也。

※須知藏體具如是等緣起之用時，乃是全體起用；全用即體，故不妨其有差別，不礙其無

差別。以其雖有差別，實為無差別之差別耳。此之謂無礙圓融。

※明全理而成一一事，一一事即攝全理。所謂理事無礙也。今明事事皆全理之事，故一事可攝一一事，所謂事事無礙也，夫事相雖差，性體則一。性體既圓攝，事相亦即圓攝，故無礙也。須知凡夫處處執著，所以事事成礙。（事得理融）

※一相攝一一相之理，可以通俗共見之電光影戲譬之。若非相攝無礙者，以一小小紙片，何能于電光中現出山河人物相哉。知此則事事相攝之理可明矣。

※事是依他起，體是圓成實。情乃遍計執也。若不遍計起執，則依他起即是圓成實。何不

可相攝之有。相無自實，起必依心，心體既融，相亦無礙四句，正明此義。謂一切事相，自無實體，所謂依他起也，而心是圓成之實體。事相之起，起必依心。是依他起本是圓成實，所謂全理起事，全事即理是也。可見一向融攝無礙，其所以一向不融者，由于分別妄執。若情執空，則心體融。心體既融，事亦無礙矣。

※「一多相即，一多相入」：理能融事，事得理融。

「相即」約「體」而言，如小即是大，大即是小。上云相等，猶有大小長短之相。今云相即，並大小等相亦無。

「相入」約「用」而言，即一入一切，一切入一之意，如芥子納須彌，須彌納芥子。又如《楞嚴經》卷四云：「於一毛端，現寶王剎；坐微塵裏，轉大法輪。」

理法界：黃金。事法界：金戒指等。理事無礙法界：黃金不礙金戒指等，金戒指等也不礙黃金。事事無礙法界：金戒指等互相轉變（事得理融）。

○我於一念見三世，所有一切人師子；如幻解脫及威力。（糝合《普賢行願品親聞記》）
「我於一念見三世，所有一切人師子」二句，舉正報以攝依報也。末二句佛境界即身土不二，轉識成智等境。令一切眾生得生淨土，皆佛如幻力、解脫力，及威力也。有淨土願者，常入佛力，為佛攝受。

○於一毛端極微中，出現三世莊嚴刹：我皆往詣而親近。（糝合《普賢行願品親聞記》）
承事願，即十地品中初地菩薩第六願。所言承事者，謂願入佛刹，承事諸佛故。初一偈承事處，處即國土。初二句妙有攝入重重。毛端極微，三世刹土，皆妙有故，即事事無礙真實義相。真實即真空，妙有不礙真空也。刹土無大相，毛端無小相，故三世莊嚴刹，皆在毛端中現。

○速疾周遍神通力，普門遍入大乘力：圓滿普賢諸行力。（糝合《普賢行願品親聞記》）
成正覺願滿亦初地菩薩第十願。謂願與眾生同成佛道，同作佛事也。十二句有十二力，前九，明業用力；後三，結因成果。業用即成佛業用，業即用。九力中有七種業，文字應多迴互。如初一句，「速疾周遍神通力」，宜云神通力速疾遍周，即自在業也。「普門遍入大乘力」，宜云大乘力遍入普門，即示正覺業也。普門即法界門，此指成佛門言。一相具足八相，謂依解大乘之力，能普門示成正覺故。

※十二句十二種力，明修普賢行願，能成就十二妙力。文倒過來念較易明白，如「神通力速疾周遍」，意即有神通力速遍十方世界。「大乘力遍入普門」，以大乘菩薩道力，證入普門境界，示種種法門，接引眾生，皆成正覺。「智行普修功德力」作「功德力智行普修」，依普賢行，智行普修，解行並進，成就一切功德。「大慈力威神普覆」，具慈與樂之大力，恩威並濟，折攝兼施，如慈雲蔭覆眾生。「勝福力遍淨莊嚴」，普賢行具殊勝福力，能遍淨莊嚴一切佛剎。「智慧力無著無依」，有般若妙智，不著諸法。從「定慧方便威神力」起，按經文讀。修普賢行，因戒生定，因定發慧，具諸善巧方便，威神之力，度化眾生。「普能積集菩提力」，普修萬行，積聚菩提大道資糧，將來親證菩提。「清淨一切善業力」，依甚深行願，使一切善業清淨。「摧滅一切煩惱力，降伏一切諸魔力，圓滿普賢諸行力」，修普賢行，能滅諸煩惱，降眾魔障，圓滿普賢行願。（糅合《普賢行願品講錄》）